



**ს ა ქ ა რ თ ვ ე ლ ო**  
**მესტიის მუნიციპალიტეტის საკრებულოს**  
**განკარგულება**  
**G E O R G I A**  
**THE ORDER OF THE ASSEMBLY OF MESTIA MUNICIPALITY**



განკარგულება:გ-135.135220907

თარიღი:31/03/2022

**მესტიის მუნიციპალიტეტის საკუთრებაში არსებული მიწის ნაკვეთების აღნაგობის უფლებით სს „ნენსკრაპიდროსთვის“ გადაცემის თაობაზე მესტიის მუნიციპალიტეტის მერისთვის თანხმობის მიცემის შესახებ**

**„ადგილობრივი თვითმმართველობის კოდექსის“ საქართველოს ორგანული კანონის 54-ე მუხლის 1-ლი ნაწილის „დ.დ“ ქვეპუნქტის, 122-ე მუხლის პირველი ნაწილის „ა“ ქვეპუნქტის, ამავე მუხლის მე-2, მე-3, მე-4 და მე-5 მუხლების, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 08 დეკემბრის №669 დადგენილების 22-ე მუხლისა და სს „ნენსკრაპიდროს“ 26.11.2021 წლის N242/2021 (რეგ. N2016) და 17.03.2022 წლის N028 (რეგ. N10/134220772-10) საფუძველზე**

**მესტიის მუნიციპალიტეტის საკრებულომ მიიღო განკარგულება:**

1. COVID-19 გლობალური პანდემიით ქვეყანაში გამოწვეული ფორსმაჟორული გარემოების გათვალისწინებით, მიეცეს თანხმობა მესტიის მუნიციპალიტეტის მერს, უსასყიდლოდ, აღნაგობის უფლებით, ხელმეორედ, 2 (ორი) წლის ვადით გადასცეს სს „ნენსკრაპიდროს“ (ს/ნ: 405112220) მესტიის მუნიციპალიტეტის საკუთრებაში არსებული, ჭუბერის ადმინისტრაციულ ერთეულში მდებარე დანართი №1 - ით გათვალისწინებული არასასოფლო-სამეურნეო დანიშნულების 50 (ორმოცათი) ერთეული მიწის ნაკვეთი.
2. მიღებული განკარგულება გადაეგზავნოს მესტიის მუნიციპალიტეტის მერიას.
3. განკარგულება ძალაში შევიდეს საქართველოს ზოგადი ადმინისტრაციული კოდექსის 54-ე მუხლით დადგენილი წესის შესაბამისად.
4. განკარგულება შეიძლება გასაჩივრდეს გაცნობის დღიდან ერთი თვის ვადაში, ზუგდიდის რაიონულ სასამართლოში. (მისამართი: ქ. ზუგდიდი გრ.ქობაღიას ქ №12).

მაიზერ ჯაფარიძე

მესტიის მუნიციპალიტეტის საკრებულოს თავმჯდომარე

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

